

虞山人詩序

予十年前自江右還吳下罹時艱阻不得遂
遠道游觀之志竟棲跡林泉間與山人野士
處頗放意詩酒以消鎔凡滓耳而留連光景
之歎多寓於咏歌然即事寄情罔按工拙片
言隻字無可成編者今年過海上而從遊襄
陽丘晉氏迺哀拾予詩得三百三十三首刻
為八卷以請識予自歎曰詩本性情關時命



生不逢偶渡落偃蹇故發窮愁悲歌之辭以
自摠遣奚足以形容而裨制作之雅邪是編
雖成未必可傳所適足貽覽者之哂云今年
為丁未歲冬至前一日玉屏山小樵虞堪識

虞山人詩目錄

卷一

古體雜言

滄浪操孺子鼓枻作

釣魚操

瞻雲操

老子騎青牛像

觀山



題栢子廷畫菖蒲

朝陽篇

良苦吟為馬元尋母得見作

咸林行為楊璽改葬乃祖作

自畫萬壑松風圖歌贈天台朱秉中梅

花巢

自畫山居圖歌贈宜春朱隱君

自畫關山旅行圖因製畫山曲

桃花畫眉曲

巖居高士圖歌次韻

李龍眠畫馬歌

飄隱畫歌

朱澤民山水歌

張商畫竹歌

踏車謠

古意

朱叔仲山水引為鄒生作
紅梅引次韵用發壺中老人一笑

卷二

鶴瓢

為季丙卿題衛明鉉所畫呪錢出井圖
題王叔明為瑛上人畫松亭雅集
題大癡道人黃子久畫關山疊嶂圖
鑑湖春曉

題錢舜舉畫蠶桑圖

題顧定之竹

題王元章梅

山居圖

愛日堂為于仲和賦

贈筆生施廷用

成都使君王季野席上次韵奉呈槽巢
初菴雲林玄素子素諸公

贈星史汪清溪

畫鶴篇

分題賦得任公釣臺送王允剛歸義興
海上丹房聯句 并序

卷三

近體五言

鼓柁

與呂志學夜坐

送陶元庸歸吳覲母後復遊越依李開
府

送馮信卿之烏程命

送趙生航海之京

李士賢檢校使吳

送相德謙之越

寄魏秉中表兄

重寄

寄南潯潘隱君牘

東倪季敏南墅隱君

寄鄧高士

寄徐生兼柬東廉愚谷上人

贈周可久

贈澗天鏡講師

并序

次王原吉韻贈石林上人

用唐綦母著作留題龍興寺詩韻贈長

老開公白雲

王使君季野飛雲樓燕集

趙生席上

夜雨水竹居聽彈箏

旅館與陸季弘對榻

讀陳天倪處士傳有懷其子惟寅惟允

中秋湖上看月

九日與鶴齋真人飲豎上人東樓次韻

十日對菊

十月十七夜舟中作

湖村夜泊人家俱逃亡

潯南書事

澄江季丙卿留飲客邸

漫興

江村漁隱

次韵沈仲說洞庭秋晚

題朱叔重畫山水卷

題陳松巢畫

登大覺寺琳公鑑湖樓

題文殊院壁

昭明寺暹上人房次韵題壁

題暹上人可賦軒

遊宋胡少卿橫山福壽蘭若次韵書壁

題柯恭書竹

留題橫塘般若寺

王明仲聽雨樓

南城祚真精舍寓宿呈熙哲二公
宿堅公房詠高麗石瑠璃在練川
白雲閑為上人賦次鄭子封韻

對雪

次韻山居六咏起句題

兵革後周伯昂歸義興

飛雲樓春夜會飲聯句

卷四

近體七言

汗漫游與姚子靜錢公權壁上人同賦
詩

吳伯常家看桃花

山家看花

震澤

拜郊臺懷古臺遺址在越來溪上
望湖亭

闔廬浦

陳湖

題嘉興水西寺

山家畫壁

山家書遺老農

登穹窿山訪學仙張袁二道士

書陶孝子傳後并序

旅懷

春興

漫興

聽朱秉中鼓琴

八月十五夜對月

中秋夜與堅上人東樓看月

江渚移居

山中獨夜有懷江上故人

漁舡早起次韻

雨中過同川訪王性中齋居寓宿話舊
午日訪沈元圭席上次黃舜臣所賦詩
韻

宿黎里普濟院書壁懷南邦長老

重宿金處士瞻雲軒呈二同遊

施宜之處士隱雅宜山守先人塋與堪

先隴為隣承寄柳道傳博士所撰墓銘

見示回詩奉酬

送馬立民之杭州

送張士舉歸閩中

送張伯奇還花溪舊隱

送朱秉中之杭將歸天台山中

送馬明立省親後還官越上

送潘公穎歸越葬

重贈潘公穎歸

送魚臺賈景莊自吳航海之京師

送顧仲贊四明歸觀

送澣北海上人

次韵危參大韵送相德謙之台州別駕

送楊方外法師入上清山觀乃師祝洞

天真人

贈黃山人

書贈錢公權

贈日本僧立恒中藏主

旅贈王宗善

蔡尊師鄉老見過感懷書贈

贈單子貞游雲間併柬邾仲義

贈湖州二沈筆生并簡潘隱君

茅經歷之嘉興道過野寓因贈

訪潘公穎潯南隱居

寄黃高士鶴巢

寄馬民立在越上并簡孟季成

寄徐生

寄澱湖鄧高士

卷五

近體七言

寄王仲明寓杭并序

題王生所畫春山圖

為義興周伯昂題春山圖

題王叔明所畫岩居羅漢

題月下汎湖詩卷

寄題湖州沈自誠水竹居

書耕隱卷後

題季丙卿見示前輩陸子芳先生义齋

廉使所著乃伯父季吉甫傳并詩卷後

季丙卿里賣藥躬畊予喜而賦詩為別

題贈筆生王純與徑山愚菴及公同賦
寄題先月樓

夢綵堂

野人家

看帆并序

題吳江孫氏先卜隱湖樓

心遠樓為澣上人賦并發同席鄭明府
一笑

雪蓬軒為式上人賦并序

如舟亭為沈子和氏賦松雪翁所書扁

安素處士疇隱次鄭遂昌韻

新歲次韻答沈存齋

次韻朱北窗江上阻雨留旅館對榻

次韻答東方彥修見寄并柬徐生

次韻陸高士見寄

次韻答阮維則

次韻奉答王性中

錢公權席上次韻

次韻答公權見貽之句

次韻海上還

呂彥貞見寄江舍次韻奉答

次韻堅公秋懷

用先叔祖韻壽鶴齊薩真人并序

答陳孟章元一

悼堅上人

讀饒介之遺徐允中書并序

施架閣池上夜飲聯句

卷六

五言絕句

海岸圖

滄波

舊箏

詠吳石并序

寓目

題醉太白

題朱叔仲畫青山白雲橫軸

題列子乘風便面

題青山白雲

題倪元鎮畫竹樹圖

題顧定之出牆竹

題陸季弘碧桃花

題章橫塘護花

題舍弟坊畫竹

戲為日本僧立恒中題梅花

為立上人題雲山欲雨手卷

題陳慎獨畫

美人撲蝶圖

六言絕句

目錄
一四
吳江

靈岩寺

姑胥山

橫塘

盤門

石湖舊苑

題畫小景

題岩壑孤舟圖

題朱澤民書釣圖

題顧安定之所畫二條

卷七

七言絕句

西蜀七絕

玉壘詞

三峽詞

憶錦官

宮詞

有所思

漫興四首

除夜

元日

人日

元夜

春日漫興六首

早春述懷

花下把酒

春興

吳下口占

越來溪

過王季野妻施夫人墓

昇公蘭若

登天池山留法在公一笑

石屋為懷菴上人賦

題渾淪卷

寄湖州潘公穎

寄王仲以

送達明善還嘉興

贈筆生溫子敬

贈墨客李慶源

遣陳生

永陳起

讀何水部詩集

留客聽琴

遣陳童子

答鄭長卿以書見貽

為弘行者畫萱圖

為規侍者畫天台圖

題十六應真圖

題淵明賦詩圖

題諸葛武侯岬廬像

題秋山樓觀圖

題宣和馬圖

題旄雅山所藏宋周漢國端孝大長公

主所題桂花便面手卷後并序

題趙松雪畫四首

題趙松雪出浴人馬圖

題趙仲穆人馬圖

題陳慎獨畫竹樹圖

卷八

七言絕句

題倪元鎮竹樹圖

題衛明鉉畫隱居圖

題徐士元畫釣隱圖

題王鳴品吳江送別圖

題吳江春曉圖贈張伯奇南歸

題竹樹圖送陳若玉歸呂城

題天台王忠齊雪溪詩卷

題趙魏公楷養馬圖

題柯博士竹

題黃道人畫

為李可道題衛明鉉畫樓臺圖

題蘇小小真

為明仲公子題木筆仕女圖

題夾竹桃花畫眉

題李安忠猿鶴圖

題江皋會飲圖

為王允同題家山荆溪圖

題陳慎獨所畫寒林圖

題盧益脩水仙

題陸季弘畫碧桃花

題陸李弘畫竹

題堅石林上人松下小像

題教上人所藏石壁高僧圖

為堅上人石林圖

為道公題夏山圖

題咸子昭畫會琴高士圖

題孟仲良畫雪中才子圖

為范克齋題山水圖

題倪雲林為薛鶴齋真人所畫竹

題護花圖

題倪雲林畫

題王生畫幀

題咸子昭臨吳興公溪山釣圖

為明仲題倪雲林畫

題江山臺觀圖

題衛明鉉所畫龐女吹簫圖

題明鉉所畫王子晉吹笙圖

題佛圖澄應趙故實手卷

王明仲遊海雲蘭若折錦帶花貯瓶中

索賦絕句

次韻賦王明仲分菊

次韻奉答韓景中媼表戍淮見寄

倚樓次韻

次韻戲答堅公木樨

賦小瓶紅白梅花四首

題普火雲梅花水仙三首

題日本僧所畫青山白雲

題忻悅道所畫山招隱圖并序

題陳昌言水月齋梅影圖

牧心齋題壁示叔界

題劉商觀奕圖

題和靜處士觀梅圖

虞山人詩目錄終

國家圖書館, NATIONAL CENTRAL LIBRARY, TAIWAN, R.O.C.



虞山人詩卷一

玉屏山樵虞

堪叔勝著



古體雜言

滄浪操孺子鼓

書館, NATIONAL CENTRAL LIBRARY, TAIWAN, R.O.C.

汎滄浪猗毋泊我舟通汗漫猗毋過我游彼湛
湛兮既玄以黜物擾兮其盍以修夫滴兮兮
吾寧與休孰知我兮不我為儔嘆自取兮從者
惟由

釣魚操

瞰江滄而盤礴閱浮雲之卷舒物悠々其永逝
吾何心而釣魚

瞻雲操

維蒸之麓兮蔚乎滄々英雲下被兮吾親永藏
雨露霑濡兮煮蒿悽愴嗟親之逝兮其何以往
瞻雲之興汎乎喬林慨思吾親兮憂集於心烏
翩々兮且止猿啾々兮夜吟灌鬱椒兮徹泉之

下泣松揪兮零于宿莽憾吾生兮茹茲荼苦抱
終天兮終古

老子騎青牛像

孰知而傳象帝之先始生八十終言五千度閔
青牛西邁不還若有見者乃猶龍然

觀山

山無垢色雲無住心達人觀之其高且深

題栢子廷畫菖蒲

躡此於菟直將爾鬚大嘯一聲風清月孤

朝陽篇書唐氏子暹祝辭後

大明隱蒙汜韜韞萬世先三浴一出海盈_二上
扶桑發機遂動息幽眇復張皇融結川嶽麗昭
回雲漢章所以暘谷賓若稽在陶唐希天建至
極放勳被遐荒悠_二則萬聖蕩_二名無疆孰云
時害喪遠之靡不忘三綱既淪斃九法遂乖張
斯湏浸頽僻終古失馨香餘腥穢簡帛烏得垂

衣裳參兩詎無端秉彝寔有常暹也父命名欽
哉究元良求之得餘師字之以朝陽鳳凰不世
有維時鳴高岡覽禪用比得景瑞期遠翔文獻
乃足徵嘉言斯孔彰冠禮久已廢請訓獨可尚
儼如三加祝賓主迭在堂虞生鄙何述斐然不
知量觀象詠元化稽經陳否臧希天復希聖質
說幾荒茫易稱健不息君子當自強惜陰既云
哲失道還受傷夙夜審出處悠久慎行藏群物

豈遠忤欣、樂其昌顛沛造次間操德其何爽
勩哉保厥始壽考有餘慶作詩以咏歎永失慎
勿忘平旦再仰察庶幾予匪狂

良苦吟為馬元尋母得見作

水流豈無原州生固有根東風潤驚瀾吹以野
燒痕亂離失母痛割腸難斷思念如雨慈烏飢
號各孤鶯煙迷太湖渚霜墮吳會門七年一朝
見九起萬死魂瀾渚料復茁尺蠖信乾坤上承

高蓋旋景死未昏下憑大載安轍窮有回轅衣
破淚始滅哭絕聲始吞始命苟有逆終雨不洗
冤春暉轉忘憂式復念倚門翻思在離別豈料
俱生存餘懼菽粟具辛苦勿出言我歌良苦吟
碩薄當彌敷

咸林行為楊璽改墓乃祖作

餘杭山前百戰場蒺藜滿道多虎狼黃塵茫茫
白日憐子獨往也良慨傷深哀憤不畏狼帟極

目蒼天淚如雨蒼蒼益高愁奈何腸斷咸林一
坏土黃腸下深九仞泉我翁瘞此今百年朱樞
玉節久寂寞黃鸝碧草空留連回首東吳三百
里無限好山并好水誓收寒骨悶幽函與翁來
歸此山裏佳城再卜再封樹麥飯椒漿好時祀
慈烏還來共栖止慰我生存保終始嗟哉楊公
好孫子人生蜉蝣在天地間闕誰復顧生死骨
肉之恩固如此嗟哉楊公好孫子

自畫萬壑松風圖歌贈天台朱東中梅花
巢

天台萬八千丈山桃花久不流人間上當牛斗
開天闕仙人幾度招我窮幽攀瓊臺玉闕迥寂
寞石橋且滑空潺湲曾識高人姓朱者讀書縛
屋蓮峯下一從畫得龍馬神龜文走獻天子登
天閣天子莫可官歸來老田野最喜兩兒郎綠
髮更瀟灑大者賦遠遊不肯卑微休仲也誰與

儔愛我畫滄洲聊將水墨趣寫此空岩秋鴈蕩
雲連赤城暮瀟湘雨裏蒼梧愁我愛仲也琴傾
耳火賞音南風散五絃為我開煩襟栖烏夜啼
秋月墮鶯黃曉嘒春花深君不見畫中絕是琴
中趣萬壑秋風滿松樹應有梅花可結巢隨意
青山看雲去

自畫山屋圖歌贈宜春朱隱君

朱侯有隱居迺在宜春間東游久未已浩蕩忘

其還山川神氣具在眼窮幽蹟隱知何限黃河
之源出崑崙千里萬里盤旋屈折支天根自從
開闢分九州大噫噉喻生氣浮綿延亘接無盡
頭奔澎不息入海流海門限水迴蛟蜃碣石排
風駐馬牛從此山川極甌粵秦王之石禹王穴
朱侯朝覽赤城霞暮看陰山雪山陰溪中釣魚
者蘆蘆亦在青城下胸中丘壑渾天成手把風
雲自揮洒宵霽外鴻濛前來龍起伏頃刻真宛

然長松古檜亦偃蹇不似料々生風烟朱侯長
相見談笑共剖目脫屣白石上滄浪歌濯足愛
山之癖奈侯酷聊以尋幽畫茅屋青山隔溪轉
白雲就簷宿不短掛猿藤頗長淒鳳竹畫成送
侯當早歸越來溪傍花正飛春山蕨長薺菜肥
何待滿樹風雨釣輒啼朱侯朱侯此別勿歎惜
一飯勸君當努力但將鷄犬深入雲莫管桃花
盡狼藉此畫掛向草屋壁讀書萬卷守勿失從
教門前泥潦三尺深々掩柴門莫輕出

自畫關山旅行圖因製畫山曲

三年不作畫一畫旅愁生家山萬里隔蜀道正
難行蜀高山且遠瞿塘水復險別來記得春水
深此日欲去風塵滿風塵滿如我成都西南愁
翠蛾々眉愁損人未歸杜鵑啼血朝々飛杜鵑
飛向何處去江南三月春十日九風雨每懷謝
眺看青山安得草堂留杜甫君不見杜甫悲歌

一世豪南奔北走何其勞南奔北走何其勞許
身稷契愚且高

桃花畫眉曲

春禽踏南枝新柳拂蛾眉東風乙何淺花間聲
宛轉君不見秋鳥一夜啼金井裁衣寄遠剪刀
冷便是盧家窈窕娘愁對離鸞亦斷腸寄遠一
念遠

巖居高士圖歌次韻

山高性所樂好山何處無平生樂山夜入夢神

遊歷皆方壺浮雲滿空任紆卷把筆題詩傲
軒冕長松如龍鱗滿身風雨年々長蒼蘚結巢
絕愛當岩阿平地白雲如湧波落葉蕭々作飛
雨自看山中秋色多日夕樵歌響幽谷啼鳥閑
閑亂林木幾年種木茅公山更弄漁舟武夷曲
山中過慣真脫塵但看日月不記春若居高士
莫咲我々亦本是青城人自愧長年不歸去遇
舜逢堯竟忘慮一船烟雨在江南畫裏看山得

真趣桃花水生春尚寒西來雪嶺雪不乾出門
千里更萬里無緣縮地何其難

李龍眠畫馬歌

龍眠居士畫六馬神妙不在曹韓下始信天閑
有六龍毛骨奇權汗流赭鳳頭錦膊獅子花雄
俊豈待奚奴誇騰霜叱撥好頭亦馭氣競欲追
風沙超驤一箇玉蝴蝶蹄如踏鐵眼燁々直恐
翩々便飛去一點春風正揚鬣君不見寧王畫

馬花萼樓四海八荒無事秋玉面之驗勿變化
開元天子愛之亦莫留乃知龍媒矯々不世出
自是龍池飛霹靂漢家封疆既混一天馬西來
勞貢錫海宇清平忘戰敵嗚呼海宇清平忘戰
敵

飄隱畫歌

溪山昨日風雨來溪上船子衝潮回白鷗微茫
渡島嶼綠樹恍惚迷塵埃相昏氣黑夜滂渤石

梁茅屋多傾頽，壺公畫裏何悠哉。爲此世外之
蓬萊，弱水不渡良可哀。

朱澤民山水歌

江山青々，江水綠市上。何人吹柴竹，避暑宮前
不見春。落花滿地遊麋鹿，千古江山列畫圖。朱
侯解寫咫尺煙模糊，扁舟依然在洲渚。應可自
此歸五湖。昔人去者今有無，噫！昔人去者今有
無。

張商畫竹歌

洞庭張商愛修竹，放筆縱橫寫千幅。世上今無
玉局翁，胸中自有篋。蓄谷黃金易成金，錯刀石
室灑々生秋毫。鳳凰飛去空寥寥，張商落墨何
其高。

踏車謠

一春多風復多雨，田頭踏車最辛苦。去年種田
田無收，還租賣却牛一頭。今年城西盜賊起，北

卷南村盡燒毀城頭土崩日夜修壯者服役老
者憂晨食糟糠每忘晝妻子長飢面皮瘦公家
呼吃酒呼歌奴不念農家租不敷公家若念農
家苦水滂祈晴旱祈雨

古意

秉燭夜何長芳筵惜春暖鶯花已驚曙東風雜
絃管還念戰場人冰花鉄衣滿

朱叔仲山水引為鄒生作

看山朝不飯畫山夜不眠西蜀書生有此過傳
癖呼鐙索酒忘青年東吳朱家叔仲子愛畫更
覺入骨髓清晨起來頭不梳快展溪藤潑秋水
長年買舡上會稽耶溪雲門隨所之越人煮海
競取富孰肯相逐探幽竒歸來自喜胞腹飽磊
砢崢嶸揮不了東家幘子高文尋落筆唯嗔烟
嶂小鄒生拜揖長衣裙得畫一紙七尺餘就中
貌得戴安道一丘一壑松兩株前年我亦畫匡

廬還有松巢安讀書昔年李太白最愛雲端築
焦桐不着童子抱先生自是乘籃輿仙人自在
第九疊牧豎樵夫皆可居朱叔子鄒陽生世俗
那辨閑與荆齊君不好瑟王子自吹笙何當與
子坐待海晏風塵清更作崑崙頂上行

紅梅引次韻用發壺中老人一笑

羅浮山下春風來嫣然一笑梅花開東君底是
愛顏色玉容重著胭脂堆要令姑射朝天闕丹

砂炯映肌膚潔天人自是竇失驚空谷何年見
清絕又如十二飛瓊春酒醒絳紗籠玉尤分明
夭桃繁杏便麓俗紛々艷冶徒相爭暗香不斷
流丹髓三咽令人銷鄙俚莫言春半不耐寒飽
浥水霜不知幾吾生痛飲自得師對花爛醉高
陽池朱顏顧我每如此壺公々々如何髮成絲
顛倒笑我為花揚酒卮

虞山人詩卷一終

國家圖書館, NATIONAL CENTRAL LIBRARY, TAIWAN, R.O.C.

虞山人詩卷一

虞山人詩卷二

古體雜言

鶴瓢

青城黃仙師四海通行脚東觀滄溟万里餘到
時兩鬢秋蕭索手中常持一鶴瓢言自太古開
花萼偃蹇渾无斧鑿痕分明洞有烟霞爍青田
一種至今無溟渤崑崙任抄掠一從箕泉遭棄
置便向華表為棲托自入行囊不計春長懸日



月同飄泊彈絃或奏太古調只與此瓢相對酌
醉將北斗挽天潢肯把此瓢分兩勺君不見伯
牙絕絃無知音卞和獻璞遭殘虐世間俗子眼
眇眇有耳徒能聽管籥安知老大葫蘆生小摘
乾坤自成噓林屋洞口種橘李山人平生讀書
得真樂自是西周老聃生抱一冲虛不彫琢仙
翁亦是無懷民大道迥出羲皇若禹穴南來一
邂逅握手談笑如識昨許以此瓢今可遺臨別

要即重然諾謝之拂袖去意若全落魄山人得
之不敢却左縣右珮置靈藥有時挂向青崖間
脫屣捫蘿坐盤礴月明遼海夜生寒夢繞秋空
雙足躍迹來作者歌鶴瓢競說山人瓢不惡長
歌短句我亦者雨露雲烟詎穿鑿我歌不鑿瓢
愈奇山人之名愈充擴李山人莫驚愕我亦青
城丈人客昔年西來覽丘壑幾迴稀髮太霞顛
至今尚負山中約瓢乎瓢乎爾知否一夕風高

起朔漠瀟湘洞庭木葉落爾今不募縱為瓢徒
向人間受纏縛何當成今只化鶴為我戛然飛
万里長風浩々翔寥廓

為李丙卿題衛明鉉所畫呪錢出井圖

神仙好幻術驚世更駭俗笑移天地入壺中大
瑰輪困似珠粟葛仙鍊丹世所傳呪錢出井飛
上天長生久視亦已矣此事一說經千年衛君
亦是丹丘子與我論交脫生死昔年學仙差可

耳雅好樓臺今畫史孤雲處士騎鯨去文皇欲
官輓不住霧帶雲裙畫屬君草々落筆成天趣
季卿何由得此圖却寫仙公煉丹處井氣空明
泄海寒丹光錯落闕天曙蝦蟆秋飛老桂輪子
規夜叫長松樹季卿父烈丈夫年過五十山澤
臞手援神農之味料口誦軒轅之古書回生起
死奪造化陰德邁種為菑畬膏肓二豎為哭泣
何物五鬼能挪揄一道澄江自西下十年賣藥

留東吳花飛苑樹秋霜薄葉落江楓夜雨疎每
尋翁生說烹鍊更得果老稱名譽只今又逢東
海上咫尺蓬萊隔烟浪便持此畫問安期舉手
人間謝塵埃

題王叔明為瑛上人畫松亭雅集

仙人王子喬吹笙度人世天目山前騎鶴來五
彩虛空畫無際岨嶸山頭十八公恰在己公茅
屋東要予賦詩請莫笑石上精魂今古同

題大癡道人黃子久畫關山疊嶂圖

老癡作痴作癡絕畫山畫樹畫若鉄想從憶昔
少年游飽在燕山度霜雪重關複道壓層巒萬
水千山咫尺看只今無復黃知命脫去人間行
路難

鑑湖春曉

越王城南看春曉湖上好山青未了誰採芙蓉
落鏡中翠黛蜿蜒如可掃賀公歸來酒滿舡幽

花細戶春娟、手招南風鳴五絃、鷺冲鶴、翦今
千年

題錢舜舉畫蚕桑圖

桑中鳴禽巧如鷓、吳娘養蚕夜不歇、暖雨寒風
惱殺人、正是江南三四月、苕溪遺老白髮翁、畫
蚕畫葉思春風、千金難買吳娘笑、故寫生枝椹
子紅

題顧定之竹

錄事官常州、政是太平日、想得鳳凰枝、掀髯揮
綵筆、直節應承雨露息、五色之雲護子孫、而今
飛向閩南去、搖蕩春風化墨痕

題王元章梅

髯君畫梅若天造、冰雪肝腸屢傾倒、騎驢曾上
燕南道、罵人不識梅花好、囊空無錢遂歸蚕、把
酒對花心慄慄、夜半歌呼發酒狂、縱說花王被
花惱、江南三月春風顛、柳絮梨花不堪掃、雪卷

枝梢頗綴繁那侶山中昔懷抱憶君誓不委路
料若欲尋之畏行潦聞道閉門空讀書十年不
見今應光羗笛吹時不下來而今正合窮幽討
君不聞咸平處士骨枯槁白鶴翩翩度瑤島

山居圖

野人愛山披此圖夫容秀色如匡廬莫知昔人
結巢處雲松千尺今何如陰崖瀑花落飛磴冷
烟石髮生雲梳仙家別自有天地迺見樓觀皆

瓊瑤淋漓瀕洞元氣濕厥木一脫秋風踈石田
得鏡良可鑿縛茆便約幽人居吾鄉青城千萬
里山可樵而水可漁別來不覺幾更改兩鳥巢
樹遺愁予祗今浪跡縱萍梗仰觀瀕視空趙趙
何當歸來老其下白日躬耕夜讀書

愛日堂為于仲和賦

于君之家臨具區躬畊把釣何勤劬爰作新堂
奉親樂嬰啼拙舞將驩娛知君綵衣常自著匪

獨樂爾怡妻孥上堂朝夕具甘旨列以羔豕兼
蓐鱸稱觴願親百歲壽死由駐日忘朝晡長年
樹葉陰滿戶林中夜以巢慈烏服勞恐後子事
盡生祥下瑞天理符君不見東家万厦畜有餘
生兒二十不讀書崇朝街裏調鞍馬不省堂中
問起居又不見西家有子懷明珠十年辭家遠
遊去天下豪俠相奔趨白髮之親双眼枯令名
既失身受汗于君于君非爾徒于君于君非爾

徒

贈筆生施廷用

哲人藝者多藝筆馮陸當年稱第一馮陸之前
尚有人良工若箇當傳匹吳興遺老舊王孫憶
昔被詔遊帝閣白玉堂中留補袞馮也陸也此
日其藝皆其掄玉堂仙去馮陸死遂有時名落
人耳後來溫生楊生皆擅場鄉里而今有子孫
幾家有藝如有田侯門曳裙筆滿船沈生兄弟

懶歸去更有施生爭後先施生施生良獨苦一
棹江湖正風雨雪滿頭顛塵滿髯過我烟江闊
廬浦吾儕自顧非華陽奚足為爾分強良聊復
臨池掃硬黃雲烟脫手生光芒快馬追風忽當
陳銛戈利劍森交張跳龍卧虎畏顛素便欲掇
出參鐘王甫知老髯絕藝得精法差可辟易數
輩又於馮也陸也相翔翔宣州兔越州竹慎勿
貪書瘞筠麓竹已廢萌茁兔亦飽狼腹春管秋
鷗波淥

成都使君王季野席上次韻奉呈樽巢初
菴雲林玄素子素諸公

隱者分湖住高士雲林栖蒹葭散汀看鷗去桃
花隔屋聞鷄啼每同杖屨踏春堤詩筒酒榼前
後提公子風流迺相愛縷引婢娟生鬢髮織歌

細舞交驪從翠璫玉珮花籠慈蘭亭之下暮春
會飛觴列坐千載同莫訝眉山長帽翁高譚雄
辨顏酡紅頰然自謂謫仙侶欲舉萬像超鴻濛
丹丘子陶朱公人間歲月駒過隙不飲莫待兩
鬢成衰蓬君不見東風曉作梨花夢白雪飛來
已半空

贈星史汪清溪

李白有奇句汪倫多好情我無朱紱戀子得清

溪名清溪在何處白鷗長與盟日夕再扁舟卷
舒一絲輕慣識魚鳥性都忘風雨聲年々使槎
到夜々天河清誰將支機石更問嚴君平列宿
二十八五緯相從衡東杓轉極垣兩眼俱分明
客星到何度乃復逢長庚遇子練祁間呼我安
期生我本漁者徒廿載江湖行桃源真難覓馳
逐天下兵昨從西川來要掣東海鯨風波猶瀕
洞海波不遑寧不見賀季真把酒聊自傾人徒

笑放曠自足安欣榮固窮豈求達但醉不用醒
樂天復何疑陶公乃歸畊為子鼓蘭柺聽我歌
濯纓

畫鶴篇

為陳生介賦

伊誰畫此鶴千載遺陳生飄々有仙氣相顧移
蓬瀛高吭脩脰若長鳴磊落昂藏脾太清思凌
霄漢不飛去若有待者泰階平群真昔朝上帝
所鬱羅蕭臺隔風雨鸞駉鳳馭自鈞天却載瑤

笙來下土寥廓餘音世罕聞聾聽瞽辨徒紛紜
南嶽真人既旋邁五色雲霞散華蓋碁聲一響
闌干空人境皆非城郭在自脫紅塵世網中直
來玄圃滄洲外陳生一從魏伯陽上虞學道期
翱翔栖真笠澤瑞雲觀長對此鶴懸齋房坐讀
參同玩周易造化機閔洞探蹟乃知薛公畫向
通泉壁十一通靈今絕跡故為此鶴成愛惜孰
云道士青城客久欲歸赴玉局爽但留壁間箭

一隻海塵茫茫薄日色何天一方來歎識便冲
碧落萬里展雪翼圖南不使鵬先得

分題賦得任公釣臺送王允剛歸義興

任公有釣臺陽羨西門道六朝去已遠一守稱
絕倒無事每蕭間於焉事幽討惠政實已多昔
民仰蒼昊至今釣遊處水清山亦好雲天日為
旗野樹春如祿魚鳥識風流江山見文藻王孫
遠遊歸樓迷思芳牘壯氣溢前修我當論懷抱

出處可探奇有志莫易老

任昉字彥升蕭梁時嘗為義興府

海上丹房聯句并序

予與東海生俱僑練水一日汎舟自楓村
塘過葫蘆灣轉桃浦欲觀海抵夜色良
白宿崑山仙丹房仙好奇樂飲酒吟咏要
余二客聯句記一時遊會焉予愀然曰昔
人慨光景于鷓鴣漚螟者有遠遊餘響之
悲今吾與子游子言殆天啟也非耶於是

三人倫屬各賦偶語共得字凡六百四十
為韻六十有四句百二十有八命篇曰海
上丹房聯句仙者錢翼字公權客生阮孝
思字維則予乃青城山樵虞堪叔勝也時
強圍協洽九月望日堪記

秋皋候海月夜宿丹房清堪紫氣動瓊戶白光
搖素楹孝思霜凝萬手杵火伏三足鐺翼煌
豎玉并爛、連赤城堪變合鉛汞髓交媾龍虎

精孝思所以靈毓秘服之身形輕翼三花常結
子一胎忽騰嬰堪後天竟不死終古真長生孝
思孰云邁周時政為凌商彭翼乾坤大莫測日
月慳其行堪大椿閱春秋微虫嘯昏明孝思造
化幾不息循環互相成翼天淵一飛躍韜冶徒
煎烹堪道體詎割裂名言孰紛爭孝思超然萬
象表叢爾群目盲翼扶搖鯤鵬化飲歛蠅蚋營
堪疇能較巨細何用嗤辱榮孝思安期既遯世

魯連亦逃名翼飛度海水弱鞭驅石梁平堪浣
浣白盤上灑々金波傾孝思屏光微照耀怪狀
畢露呈翼鼇戴湧兀突鯨奔觸喧轟堪靈鼉雜
魚騰舞若惟能獰孝思蜃吐起氛霧豚噴飛沫
翼翼鮫呈綃錯落蚌猷珠焚晶堪一々蒼螭立
双々赤鯁趙孝思何物比目鰈况爾了頭鯉翼
鼈甲竟六縮鰕蛇難獨撐堪飄颻註羽節的鰈
蜚珮瑛孝思琴生躍鯉出王子跨鶴迎翼龍瑄

碎碣石螺觥吸滄瀛堪放此寬大量解以無何
醒孝思劃然悟忘返歸歎詠遐征翼既御鴻濛
氣當作款乃聲堪摘天本奇術縮地若偶評孝
思跼踏頃步勢呼吸万里程翼坐我已機席咲
子猶庭閣堪歲徒覆肺盖踊躍鎗心兵孝思齒
鼓擊訇坎音鐘叩噌吰翼婆婆髻以髮傲兀瞪
而瞠堪微吟蒞莊籍獨繭嫗笙孝思縱琤間
金石霏亂璣程翼鐵畫逗溜壁牙籤響風棚

堪驚蛟逐毛穎飛虹卷陶泓孝思萬卷在手破
五車於腹盛異鬼谷應著策羅浮澄棋枰堪果
有奕局事豈无高世情孝思室劍商縷繡囊琴
蜀錦潁巽得趣始破絕有神終合并堪蒸鑪螢
燧、茗釜蟾嚶、孝思銀絲過行鱠瑪瑙重出
腴巽神棗異桃核仙芝類藟莖堪瓜開屏落瓠
榴破珠傾櫻孝思紅擘爛于火青剖園若纓巽
丹分益大橘殷對合抱檉堪魁杓落睽、蒲牢

發鉉、孝思酌軒總辟曷猛省渾睽曠巽藥免
罷秋搗窻鷄候晨鳴堪霜結鴛鴦瓦燈炮鴈足
繁孝思舞興懋、起俠氣衝、橫巽客豪思橫
發童倦嗔屢齎堪冥搜入古羌狂歌錯鏘鏗孝
思啁、泣翹魅呱、叫猿猩巽真令東方白盡
使神鬼驚堪

虞山人詩卷二終

國家圖書館, NATIONAL CENTRAL LIBRARY, TAIWAN, R.O.C.



虞山人詩卷二

虞山人詩卷三

近體五言

鼓柁

蘭柁鼓清流獨悲江上秋
屈生常悵歎漁父亦
遲留斑竹涵清淚滄江沒
白鷗釣竿欺可寓隨
意泊吾舟

與呂志學夜坐

坐待西齋月論過上夜春
亂離方促膝狹窄豈

容身一劍風塵際十年江海濱黃金難鑄日白
髮謾催人

送陶元庸歸吳親母後復遊越依李開府
擾々越城路遙々吳水春自嗟淪落客又送遠
遊人挾策長憂世謀深獨為親輸若談甍事便
向鄴侯陳

送馮信卿之烏程命

好去烏程令間闕白髮新五絃應得趣一劍只

全貧湖水家々綠桃花樹々春幾番兵燹地天
復惠凋民

送趙生航海之京

之子天邊去遠遊滄海中蓬萊十日到雲漢一
棧通夜靜應瞻斗秋高定轉蓬慎聞堯治語
慰釣魚翁

李士賢檢校使吳

使者吳日多君屬後車全家當國難孤直保民

餘秉節心仍在揚名信不虛懷忠獨憐孝珍重
史官書

送相德謙之越

世路一何艱風塵戰血殷送君闔廬浦投客會稽山
戀闕頭添白尋親泪復潛臺中論前績刀馬豈容閑

寄魏秉中表兄

海上魏公子風流憶漢貂別來良契濶時節竟

蕭條歲算滄江遠天寒白鶴遙艱難慎行處吾
欲老漁樵

重寄

客厭吳江冷誰歌蜀道難塵緣應阻絕歸計且
盤桓腸雪明殘夜梅花耐薄寒殷勤囑毛穎聊
以報平安

寄南潯潘隱仲

湖頭隱居好竹樹日蕭森對酒花當面焚香鶴

在陰青山應似蕙歧路只如今潘令思我否高
情足謔吟

東倪李敏南墅隱君

李也端修士高閑獨閉門桑麻深晝雨鷄犬自
朝暎設以南州榻陶然北海尊何時覓漁者相
趣到桃源

寄鄧高士

海上玄真子能詩似謫仙從來披鶴氅長上釣

魚舡袖有雌雄劍囊无子母錢一壺先自足應
不問先天

寄徐生兼柬東廉愚谷上人

之子病來久緣情多苦吟經句不會面鎮日發
彈琴雨過江澄綠梅酸樹合陰文殊應在座摩
詰好論心

贈周可久

漂泊風塵際相逢湖水濤繫君正哀憤而我且

狂吟未忝感行役
夢我思孝枕憂來
無復道端處和鳴琴

可久毋
歿于兵

贈澣天鏡講師并序

予度練川寓于大報國圓通寺，有大藏道
場請師主席師錫自雲間適至寺謂轉大法
輪鼓鳴螺震廣闡宗風增輝佛日者矣我今
有分得與見聞踊躍懽喜遂成讚嘆
義天本无際心鏡奪方知白日離滄海清風下

大虛扶宗譚般若演教契真如龍象朝集松
堂響粥魚

次王原吉韵贈石林上人

石林蛾海劑傑出大方家說偈拚翻水看經席
散花秋聽潮信急夜坐月痕斜借問窮源客曾
乘幾度槎

用唐綦毋著作留題龍興寺詩韵贈長老
開公白雲

西蜀竟忘歸東林自掩扉百年純白髮獨著舊
緇衣閱藏心源淨安禪鼻息微天花如雨下無
箇著空飛

王使君季野飛雲樓燕集

翠黛生微暈闌干下夕陽亂蛙喧鼓吹芳草滿
池塘歌按黃金縷詩傳錦繡囊焦桐猶自弄還
問蔡中郎

趙生席上

清明纔過日踏雨到君家列坐新行酒比憐始
種花墻頭紅窈窕盃面綠交加歸騎寧扶醉還
人揷帽斜

夜雨水竹居聽彈箏

繁溜响簷牙深堂靜不譁坐來聽夜雨歌起釣
春霞燭小銀花墜箏低玉柱斜俄聞閑塞曲飄
忽思如麻

旅館與陸季弘對榻

旅館聯宵話心期一寸冰春風歌玉樹夜雨落
寒汀世事嗟餘耳人情見武陵男兜四方志搖
落豈無憑

讀陳天倪處士傳有懷其子惟寅惟允

惜別經三月相思寄五言風塵淹逆旅烟樹鎖
離魂行處松楸晚吟時烏烏昏臨文憶前行重
為灑啼痕

中秋湖上看月

中天今夜月爛炤五湖秋玉樹懸空靜金波入
漢流間闕南北路浩蕩一作落古今愁欲踏仙槎
去凌空賦遠遊

九日與鶴齋真人飲豎上人東樓次韻

樓臺超有界風月到死邊說幻難逃佛憑虛已
是仙玄洲生碧牀淨土出青蓮我愛盃中物來
脩社裏緣

十日對菊

撚花悲節過無酒恹死歡客裏情懷惡江頭風
雨寒楊雄空識字陶令苦辭官荆璞應難抱牙
琴欲罷彈

十月十七夜舟中作

江漢月輝孤舟一夜歸白沙漁聚火清露客
沾衣櫓約寒潮响鷗聯宿雁飛人間成底夢吾
獨轉忘機

湖村夜泊人家俱逃亡

歲晚過湖邊綠村夜泊船數家餘破屋幾度斷
炊烟病犬驚籬罅鳥叫樹顛問津無處所寒
月照人眼

潯南書事

偶即潯南地川原路欲蕪老翁行乞食稚子幼
難扶未放開河卒猶差守戍夫為農那可卜愁
我老江湖

澄江李丙卿留飲客邸

一勾錢溪水半年澄客心風塵增感慨山水登
倦臨處、群游在林、衆木森持盃騁懷思還
旆聽佳音

漫興

辟地藏吾拙衡門常自扃豺狼時擾、風雨晝
冥、海上琅玕折山中芝料零如何秉干羽不
見舞虞廷

江村漁隱

微茫烟水窟窈窕野人家屋裏容書几前門著
釣槎桃花春漲漫桑樹畫陰斜欲問玄真子棲
遲幾歲華

次韵沈仲說洞庭秋晚

時花媚秋色落日瞻晴暉橘亞丹楓樹江分白
鳥磯圍碁應遁迹把釣或忘歸謾道因詩瘦高
情淡翠微

題朱叔重畫山水卷

婁東朱叔重滿卷畫雲烟
過越乘山轎歸吳放
野船危峯蒼鷲上
遠樹白鷗前每愜幽尋意
題書為爾傳

題陳松巢畫

秋山殊可愛畫此侶匡廬
九疊青厓峻萬枝紅
樹疎筍與陶令入蓮社
遠公居何日風塵靜松
巢好讀書

登大覺寺琳公鑑湖樓

談笑寶樓開湖光劈面來
浮雲空翳檻明鏡若
為臺野鳥啣花去潭龍
作雨迴坐泰真法境無
意想蓬萊

題文殊院壁

文殊蘭若舊珠樹網羅交
殿古餘獅座林空見
鳥巢天花時作供野菜
日光庖忽憶香山語
令人願結茅

昭明寺暹上人房次韵題壁

脫俗經雲壑尋僧到竹房林標發虛籟潭影落
天光淨觀禪心寂清齋道味長南山寺相對結
屋好隣傍

題遲上人可賦軒

祇樹給孤園當陽闢小軒天空澄霽月海淨浴
晨暎霧隱南山豹風傳後夜猿僂高殊可賦觀
妙亦何言

遊宋胡少卿橫山福壽蘭若次韻書壁

每到橫山麓都違濁世氛僧留夜聽雨我自日
看雲歷々前朝寺桓々給事墳淒涼莫嗟感竹
帛已傳聞

題柯叅書竹

秋風來蒼梧白月照九疑不見湘夫人一枝空
淚垂海上清琅玕曾持天上看蕭條風雨夜誰
拾鳳毛寒

留題橫塘般若寺

西郭橫塘寺開門對越溪潮生滄海近雲起碧
山低浮世驚前夢迴廊覓舊題重懷先太史曾
向白雲栖

王明仲聽雨樓

華星不可摘飛雨若為聽忽暝翻巴峽兼秋響
洞庭甲兵連夜洗絲竹暫時停幾度銷銀燭沈
思賦宵冥

南城祚真精舍寓宿呈熙哲二公

塵世竟忘情還來訪惠明一燈縣下榻萬竹起
秋聲虎嘯風連屋烏啼月滿城坐忘渾不寐相
對話無生

宿堅公房詠高麗石榴瑤在練川

石燈如月仰雲截水光寒不為山靈秘應從海
若利中虛長寂照表淨即空觀絕勝青黎杖寥
寥半夜闌

白雲閑為上人賦次鄭子封韻

一片又一片應無去住蹤
悠揚輕似羽交幻儵
猶籠寶月同瞻海青蓮
別見峯若招岩畔宿飛
散下堂鐘

對雪

碧落瑤花滿分明屬化工
江山如畫裏天地只
壺中瑞應三番白春無半點紅
原頭踏芳草遮
莫行東風

次韻山居六咏起句題

山居何所有簷竇過晴雲
靈物循常見塵囂絕
不聞花開蜂作陣松徑鹿成群
莫怪尋幽約長
來避俗紛龍山宛若龍
飛舞出群峯霖雨終須
作閑雲或可從蕭條何處手
隱約數聲鐘儵幻
聽經去天花雨九重雜樹帶雲
栽林間一徑開
好鶯鳴不絕獨鶴去還來
蜜蔭生青靄閑花落
紫苔為吟清晝寂操几數
徊排勝絕為人誇山
中宰相家琅玕皆翡翠
金彈是枇杷玄圃生奇

玉丹爐養嫩芽孰知方外事不比世間奢乳燕
定新巢翻、過柳稍自來簾幕下不墮網羅交
細雨迷南陌飛花接近梢主家貧好在破屋任
人嘲好山看不盡一望一番登崖險森如戟泉
甘冷若冰鳴鐘傳下界著屐上高層不是石橋
客何由識老僧

兵革後周伯昂歸義興

城郭已皆非人烟觸處稀莫言前度事但得一

身歸妻子全當喜鄉鄰可在依孝侯還有廟再
拜勿歔歔

飛雲樓春夜會飲聯句

樓外雨蕭騷如何慰寥寂裡畫闌昏正倚朱履
夜從招公子開東閣敏先生莫後邀熊徵協呂
望鳧舄佇王喬堪自向虞卿壁誰吹伍子簫玉
壺承酒酌裡銀鴨藉香燒疊、襟懷豁飄、氣
宇驕敏過秦人罕論適趙客難撩文脉如泉涌

虞山人詩卷三終
堪詞源若海潮每歌青玉案長想赤闌橋敏就
醉翻金縷相期折翠條烟霞同嘯傲裡汗漫及
漁樵酒勝春衫薄詩成蠟燭消堪悠揚通蝶夢
瘦損過蜂腰最喜相鄰近裡惟憐失路遙幸同
投契誼何以答瓊瑤敏瑟低簷溜冥下動斗杓
結歡得知已端不負春宵堪

虞山人詩卷三終

虞山人詩卷四

近體七言

汗漫游與姚子靜錢公權壁上人同賦詩
我亦身從汗漫遊逍遙海上覓玄洲偏探龍藏
三千界一駐鸞笙五百秋不用靈槎通絕域底
須神駿蹴崑丘臭帑即是人間世誰共蜉蝣樂
未休

吳伯常家看桃花



二月一日走海涯吳生邀我看桃花重尋玄都
定何日且看赤城俱是霞此番開顏阿母喜他
年得子小兒誇蜂衙蝶陣渾擾々何處春來有
汝家

山家看花

折得山前數樣花瓦瓶隨意貯仙家一作山家香
霑昨夜三更雨紅帶朝陽五色霞不用薰籠蒙
獸錦絕勝肌玉護蟬紗長安道上風塵暗把酒

看春復嘆嗟

震澤

汪洋巨澤控三吳不為黃池入版圖大禹功成
遺鼎在夫差侈極故臺無淵靈尚護龍潛窟國
色纔銷鹿卧無神物在川輝日月生民終古樂
涵煦

拜郊臺懷古臺遺址在越來溪上

吳王城外拜郊臺山色湖光共繞迴終古翠華

隨水去何年玉牒為天開斜陽一笛牛羊下細
雨千帆雲鳥來忠死倭存墮霸業登臨不盡客
興衰

望湖亭

望湖亭子橫山半水色山光落檻前
葦風流今已矣野人登眺獨悽然
鶴鳴華表誰同聽大上東門或更牽
謾把一盃消客恨五湖何處別
乘船

闔廬浦

闔廬浦口畫舫開興逐秋潮海上迴
霜樹露花紅窈窕梵宮仙舊碧崔嵬
南飛越鳥雙雙過北帶吳山隱隱來
欲把一杯觀浩蕩乘風檣柁若相催

陳湖

淼淼洪流接具區由來畊鑿總膏腴
沉淪為有魚龍混開廓豈无鴻雁俱
好覓根源隨博望莫

將清淺問麻姑桑田變海元如此自泛扁舟入
五湖

題嘉興水西寺

宣城水西不可到秀水西我獨遊太白才情
真放逸牧之人物更風流諸天問法元无相干
載題詩在上頭人世古今同一夢劫灰烟暝五
湖秋

山家畫壁

為愛山家人跡稀往來渾覺市塵非雷鳴谷裏
朝尋菌雨過岩前且採薇料澤底須人自棄桃
源真與世相違他年未必無園綺應是看雲到
晚歸

山家書壁遺老農

老農政喜黃梅雨笑我何妨白晝眠竹邊鳥啼
泥滑、稻畦蛙叫鼓闌、開溝放水將鋤去過
嶺看雲借屐穿性僻自嫌多懶散空吟未遂卜

居篇

登穹窿山訪學仙張袁二道士

穹窿絕頂訪仙居
燕坐高人石不如一點紅爐
飛白雪大千碧海掣金魚
坐看日月渾淪轉
咲指華夷寥廓虛
我亦飄飄生羽翰
不奔塵世五侯車

書陶孝子傳後并序

常州城陷陶某父為賊驅去及官軍復克城

父死不知其所某于寓近營塚壙葬父冠裳
早莫哭臨故人序其孝云

天兵自昔下宋時常州之民皆死之百年政爾
勞生息一日 猶然逢亂離妖氛易滅不足數玉
石俱焚良可悲北門陶家有新塚子孝親克難
汝為

旅懷

野閣篝燈獨夜時
苦愁風雨失歸期
夢回蜀道

關山險行盡江南艸木衰縱酒為憐花落去懶
眠重恨月來遲不知鳴鳳飛何處老却梧桐第
一枝

春興

十日風寒剪落梅東西撩亂雪盈堆王孫何處
尋芳艸野老多情踏舊苔頓覺繁華隨水去斷
無行迹過橋來黃昏寂寞徘徊久安得清尊為
亦開

漫興

眼中風景如何了門外桑田知幾年北去黃河
猶滾滾南飛烏鵲竟翩翩于今虎帳聞鼙鼓何
處龍舟奏管絃濁酒一杯難醉默看芳艸憶
春前

聽朱秉中鼓琴

潮落滄江月上時衡門獨客正棲遲彈琴猶有
稽中散對榻可無鐘子期蝴蝶翩翩迷曉夢松

風颯々起秋思水雲別轉瀟湘曲白雲無聲下
竹枝

八月十五夜對月

月色且看今夜好砧聲不斷若為情聯綿烽火
近或遠阻絕干戈縱復橫赤壁烟消非昨夢黃
河天近幾時清如今搖落重寥落華髮催人兩
鬢生

中秋夜與堅上人東樓看月

圓通寺裡看秋月十五潮頭送夜明龍喜金光
搖落藏鷓驚樹影弄天泓祇知世界死昏昧不
信風雲有變更詩句已成禪即悟急聽樓上打
鍾聲

江渚移居

柴關臨水埜人居思滿滄洲老釣漁落木兩山
秋遠色淡烟孤鳥晚晴初底非江左表宏渚可
是隆中葛亮廬故舊凡人同笑傲兵塵十載謾

躊躇

山中獨夜有懷江上故人

三更風露翻衾薄，万壑松濤到枕繁。
江上故人寧隱豹，山中獨客正聽猿。
蘭烟賸馥烏皮几，燭影搖紅白玉尊。
月色灘聲誰寂寞，思君清氣滿乾坤。

漁舡早起次韻

舟泊蘆花雪滿窗，曉鐘烟寺已微撞。
雞啼牛屋

星垂地鴉散，楓林月墮江。
拙計祇甘持釣去，閒心何必豎旛降。
起來驚破沙鷗夢，飛到前汀又一双。

雨中過同川訪王性中齋居寓宿話舊

天時人事底推遷，一別俄今二十年。
華屋幾空玄鳥計，滄江重對白鷗眠。
前程擾了三了路，徃日滔、百道川。
共話平生夜來雨，故人高榻未虛懸。

午日訪沈元圭席上次黃舜臣所賦詩韵
壹簾葵錦爛晴霞五色絲紅暎臂紗玄藥自消
頭上雪絳榴誰挿髮邊花茶烹石鼎從施禁詩
寫蠻牋學破邪不是西山黃石叟難逢東老地
仙家

宿黎里普濟院書壁懷南邦長老

空花室裏聽清秋身世俱忘得自由風雨蕭條
來北竇蒹葭瑟縮響南洲瞿曇喻法開金像禪

衲當機豎玉樓却話西余山下客在川何不棹
舟歸

重宿金處士瞻雲軒呈二同遊

昔同下榻軒中眠比夕復來驚五年世故恍然
如夢寐物華端可喻雲煙兩公何憂髮俱白惟
我自笑心無緣但看梅花顏色好歲寒仍與月
娟、

施宜之處士隱雅宜山守先人塋與堪先

隴為隣承寄柳道傳博士所撰墓銘見示
回詩奉酬

雅宜山在玉遮東聯落諸峯眺望中一自佳城
封馬鬣長時神氣接鴻濛寫碑述德金門彥高
隱承家白髮翁我欲歸耕從杖屨共歌擊壤樂
溥風

送馬立民之杭州

汎汎相逢水面萍悠悠行路尚縱橫殘年送子

東南去頃刻題詩感慨生西子湖邊春定早謝
家池上雪初晴登臨莫折垂楊柳試聽黃鸝第
一鳴

送張士皋歸閩中

闔廬城外料芊芊西子湖邊客上船二月水生
春自泛三山日落夢相牽鷓鴣竟去滄溟遠杜
宇還啼錦繡妍我亦欲歸愁劔閣風塵消息在
何年

送張伯奇還花溪舊隱

見說石田茅屋在花溪南畔柳溪東
亂兵橫殺雖不到死艸華風亦自同
天際淺撫春蒼莽水邊寒月夜朦朧
羨君歸去仍高臥布穀還啼幽竹叢

送朱秉中之杭將歸天台山中

盈、柳色動江皋手挽長條炤錦袍
亂世總懷鄉土計還家寧憚路程勞
桃花流水心何競華

頂尖峯手謾搔切莫西湖戀光景
棧回南斗滯秋高

送馬明立省親後還官越上

撫戎之越豈能羈拜母還官定有期
屈賈有才當用日儀秦多辯政逢時
潮平海闊曹娥廟木落山空禹夏祠
政隙好探風土勝莫言孤劍倚天涯

送潘公穎歸越葬父

離亂相逢泪滿襟恍如菟夢話侵尋猶愁大澤
鯨波險况說南山豹霧深楊柳折來重忍別蓼
莢書罷復難吟隴頭還植新松樹知向棲霞第
幾岑

重贈潘公穎歸

煙塵迷目奈愁何柳色寒深臘未過把酒送君
離思遠揚帆過浦亂山多到家立雪看修竹涕
泣臨風廢蓼莪若解栖霞踐霜露年年湖水綠

生波

送魚臺賈景莊自吳航海之京師

鼓枻滄浪歌濯纓送君臨別重怔營迹名遂是
魯連子痛哭安非阮步兵短褐文章千里重白
鷗滄海一舟輕好紆長策干明主正為蒼生問
賈生

送顧仲贄四明歸覲

木落空江烟霧開客程無奈雁聲催舡從賀監

湖頭過人在吳王宮裡回
梵刹雨花霏雪竇海
潮浴日上蓬萊靈椿此日應千歲
好着斑衣獻
壽杯

送澣北海上人

昔別吳王避暑宮
靈岩寺在半天中
霸圖終入黃池會
山勢猶迂紺宇雄
一去豪華千古夢
數聲啼鳥百花風
高人好坐琴臺上
海月傳心到碧空

次韻危參大韻送相德謙之台州別駕
一高滄溟萬里舡
便朝金闕九重天
遠臣難棘曾身踐
聖主哀憐有昔傳
別駕之官台宿近
長安舉首日華邊
故人珍重文章在
報政行看不負賢

送楊方外法師入上清山觀乃師祝洞天真人

長年海上賦遊仙
又送楊君入洞天
華蓋自來

塵世未祝融猶在一作望日華邊先生遂赴渾淪
約弟子重奉素籥玄籬燈夜深捫絕頂素花臺
下月當圓

贈黃山人

接浙重研四十年眼空歷一好山川來龍起伏
成形似大碓渾淪豈變遷路遠脚跟千里健瀾
翻舌底九河懸把詩長笑出門去又踏春風何
處舡

書贈錢公權

今年海上逢錢起日一題詩句法新謂我欲高
東漢士多君恰到盛唐人扁舟共汎心相得高
榻長縣意獨真唯待吹噓上天去不知何地有
通津

贈日本僧立恒中藏主

上人昔自日邊來大海猶如渡一杯三萬里程
空水觀百千沙界到天台繡經席上花飛徧曳

履林間葉落堆政共長吟好詩句却言又上鳳
凰臺

旅贈王宗善

江湖獨客轉飄蓬一雨愁兼半月風正哭窮途
如阮藉忽逢佳士即王戎故園春去無多燕此
日南飛幾箇鴻甚喜得君相慰藉深慙花落酒
尊空

蔡尊師鄉老見過感懷書贈

西來文物眼中稀歲晚相逢款竹扉萬里祇操
鄉園語百年惟著野人衣翠蛾江上愁空老白
鶴遼東信未歸見說關山塵霧暗不知城郭是
耶非

贈單子貞游雲間併柬邾仲義

月落衡門竹樹底清尊聊得話羈栖輸君慣聽
雲間鶴笑我空聞夜半雞千古好懷渾謾憶百
年高興屬誰題東南久別邾徵士歲晚尋船逆

上溪

贈湖州二沈筆生并簡潘隱君

沈郎兄弟茗溪客藝絕蒙恬入品流十載舊遊
渾似夢一畝相見又逢秋扁舟夜雨來滄海滿
日風塵易白頭歸去定尋潘處士為言無事狎
羝鷗

茅經歷之嘉興道過野寓因贈

省郎南郡之官去百里豈驚行路難不謂野人

疎世務謗勞舟楫艤江干沙汀寂寞浮鷗冷城
郭蕭條勁柁寒自古循良須贊畫好垂竹帛向
人看

訪潘公穎潯南隱居

去歲途逢歲欲徂今年歲晚訪尋隅頭顱未老
心還折世路多艱事屢殊知子淮南思桂樹愁
予劔北問桑株間情廿載渾依舊却笑虞翻走
畏途

寄黃高士鶴巢

五年不見黃高士孝行如君豈得之阮籍再生
應有愧顏丁不死熟同辭龍岡表在潛揮涕陟
此詩成重所思莫怪剡溪舡不到石尤風阻未
堪期

寄馬民立在越上并簡孟季成

半生書劍各飄零千里相思望冥冥春水鷗邊
吳樹綠夕陽馬上越山青依劉已是同王粲適

度何由似管寧故舊見君還問我釣船只說寄
烟汀

寄徐生

積雨新晴三月初好風輕颺落花疎闔廬浦上
安漁艇檣李城邊問客居吏牘可閑還復爾親
庭常省近如何一春未得南來信綠樹陰時想
過予

寄澱湖鄧高士

虞山人詩卷四終
故人消息近如何一別經年未得書世事似棋
猶是奕湖光如澱不妨漁風塵定阻王喬舄山
野或容陶令居我亦從來絕泥澤何緣方外學
清虛

虞山人詩卷四終

虞山人詩卷五

近體七言

寄王仲明寓杭并序

明仲宅西柳陰與僕寓所門巷相接每歲五月有兩鶯來鳴嘗相謂曰信禽也自明仲出鶯果至日鳴不輟故及以報之

南風畫舸去十日北海清樽空百盃黃鳥有時啼綠樹紅榴和雨落蒼苔

嘗以盆榴見遺故云

已聞相府

朝入却喜仙都夜，回山色湖光固無恙。浙
船應是未歸來。

題王生所畫春山圖

山中幽事夢不盡，愛我王生每畫之。春及犁牛
耕綠野，曉來携甕汲清漪。桃花汎處漁舟宿，藤
刺長時鳥道危。四十漂淪歸計拙，一看一畫一
題詩。

為義興周伯昂題春山圖

孝孫侯子獨稱賢，亂羸思歸夜不眠。看畫每期
王右轄，題詩惟憶杜樊川。桃花雨外尋樵徑，春
水天邊覓釣船。愛汝披圖良足慰，不須重辨買
山船。

題王叔明所畫岩居羅漢

金錫曾飛海上峯，歸來岩畔生蒙茸。已探娑竭
諸人藏，幾度長安半夜鍾。席上啣花馴雜鳥，鉢
中聽法隱降龍。寫真畫變還摩詰，應為人間嘆

未逢

題月下汎湖詩卷

醉裏誰吹碧玉簫滿湖明月泛蘭橈一時高興
都難遏萬里青冥便欲飄風水龍吟秋嫋嫋星
河鷺起夜迢迢漢槎羸節成何似不及空歌度
次寥

寄題湖州沈自誠水竹居

水竹之居清且幽休文惟恙在湖州淵魚或躍

誰同詠鳴鳳安棲不易求鎮日輸君常把釣何
年著我一維舟共燒蠟燭聽春雨高卧清風八
咏樓

書耕隱卷後

吳下顧家兄弟賢養親遺子力畊田暖雲穀雨
春三月斜月犁星曉一川塵市不逢真隱者桃
源忽見即神仙年々但願長豐稔無吏徵租橫
索錢

題季丙卿見示前輩陸子芳先生義齋廉
使所著乃伯父季吉甫傳并詩卷後

季父醫名播昔年寸心行義契蒼天如扶槁朽
顛厓裏盡起春風造物前虛扁神奇端復並機
雲文字固當傳至今流澤遺諸子猶似澄江渚
百川

季丙卿還鄉里賣藥躬畊予喜而賦詩為
別

季卿為醫世無雙十載累家遊此邦逢人賣藥
不二價教子讀書全一窓我昔長嘯綺里季而
今歸學鹿門龐明年何處聽春雨杏花如錦照
澄江

題贈筆生王純與徑山愚菴及公同賦

王郎縛筆住湖州翰墨場中得縱游心力盡於
初畫妙眼睛全在一毫頭青春好樹流鶯囀白
月空山老兔愁直到玉堂揮翰手新翻落墨為

渠優

寄題先月樓

海上陳郎百尺樓，月來先得水天秋。
為憑碧落無塵界，故見滄溟徹夜流。
光魄一生通汗漫，蟾光纔露作神遊。
何時去倚危闌曲，更為題詩在上頭。

夢綵堂

余士平提學豐城人，寓京師二十年，以兵阻

未遂還鄉，思親不少，置故其堂，扁曰夢綵。

高堂白髮不勝簪，尚有天涯遊子吟。
老萊斑衣每入夢，春暉寸草難為心。
萬里關山阻南國，五色鳳凰鳴上林。
東風幾度江綠，蝴蝶飛來春已深。

野人家

野人還往野人家，好在山顛與水涯。
不以紅塵千世事，却于青艸識年華。
門前夜雨生新漲，屋

上清風捲落花只有漁樵來會酒
哥呼每到月西斜

看帆三首并序

襄陽丘彥章僑居笠澤數年闢小軒與搖成
江直風飄沙鳥如在几席間予常為扁曰看
帆而為之記今從海上還重過軒中留住屢
日乃相與徘徊間關而鄉情客思共有憾焉
故復賦之以詩

烟波江上漫使愁

用唐人崔顥黃鶴樓語

贏得開軒作卧

遊底事千帆來
媿復同孤鳥去
悠遲迴星斗寧
撥落快踏風雲
不暫留瞬息
安危由逆順
轉看身世亦同謀

早覺浮生類轉蓬
江湖元不限西東
十年歛迹居林下
万里遊情付夢中
開闔豈嫌梅子雨
往來難信石尤風
青山坐老堆黃髮
奈爾滄浪泣路窮

一日幾番雲作陣百年都在螳旋堆南金逐翠
登燕埒北罽隨貂到楚臺采藥已付童女去浣
沙曾送美人來名奔利役何休歇日落長天數
去回

題吳江孫氏先卜隱湖樓

太湖三萬六千頃小樓尋常盈尺間高情自寄
烟水濶長嘯不驚鷗鷺閑白日看雲當檻過清
宵放月照琴還誰家燕子空撩擾惟待秋風墜

綠鬢

心遠樓為澣上人賦并發同席鄭明府一
笑

東吳勝地黃山麓北海上人心遠樓閒愛白雲
飛海嶠靜聽春雨過滄洲復公詩好不可壓鄭
老官餘曾共游濟滑筍肥加晚飯得參世外有
楊州

雪蓬軒為式上人賦并序

大方上人常遊雲間汎舟觀海晝夜跏坐蓬
窗之下而心解神會所謂氷崖鉄樹造境有
獨得之者非世之人所可識其樂而自樂也
及歸隱靈岩山中縛茅為修定之所因自扁
曰雪蓬軒蓋將志夫不忘其所得之從來耳
新公仲銘廼為文以記其事龍華樵過之因
賦詩資一笑云閑逢執徐浴佛日
意棹扁舟渡海東海風吹雪洒寒篷恍如屋裏

生虛白誰共無邊說幻空暫對鷗盟忘綠渚更
探龍藏入珠宮而今別在青岩半戲玩雲泉去
住同

如舟亭為沈子和氏賦松雪翁所書扁

東老作亭東海頭開窗盤礴坐如舟花飛酒幔
雲高捲竹暎書籤水亂流留客可看清剌雪學
仙應過洞庭秋只從占得鷗波淥却笑王孫賦
遠游

安素處士疇隱次鄭遂昌韻

滄海揚塵瀕洞庭時荒白日閃朱旗田間勿怪
小結屋世上更誰能採芝烟雨荒村歸牧豎風
波極浦見漁師清晨出耕晚入息三尺黃魚足
辨炊

新歲次韻答沈存齋

滿卜今年見小康莫疑筮短復龜長野鷗久識
滄洲趣海鶴終期寥廓翔日轉華夷蟠淑氣春

回艸樹發天香先生自種門前柳已侶新鳩與
酒黃

次韻朱北窗江上阻雨留旅館對榻

落花如海亂西東綠水青山舊日同
無奈春光容易晚不知行路幾時通
竹深野鳥頻呼雨浪滾江豚正轉風
苦欲留君休解纜剪燈聯榻話飄蓬

次韻答甬東方彥修見寄并柬徐生

避地每承先枉問躬耕无計服勤歛兵戈南北
家千里風雨薰葭海上隅故舊豈聞真國士笑
談誰愛老漁夫煩君為覓蓬萊路徐福樓船近
有无

次韵陸高士見寄

美人相憶意何長世路悠悠曲侶腸軍馬野中
猶格鬪漁船江上亦淒涼連年甫里同茶竈何
日成都問草堂惆悵沙鷗隨所適東漂西泊似

無鄉

次韵答阮維則

蹇予十載漂淪客奈此一春風雨何泥沒畏塗
人跡斷料掀荒屋漏痕多長懷烏道行險却
着騾網事馱万里窮愁逢阮籍竹林雖近未
能過

次韵奉答王性中二首

華館春風昔往來翻成車鞅逐塵埃狂游自訝

飛龍劍落魄渾忘化鶴盃天地一漚身未老閑
河万里路還開欲將短笛吹佳調又惜江城玉
樹梅
九斗群峯飛翠寒仙人居處最高安每看直下
滄溟小長立危尖宇宙寬一自兩鳧從遠邁數
番雙鯉奉餘歡而今帶月吹笙去清晏塵清更
不難

錢公權席上次韻

捲地東風暗落花倚風聊側帽簷紗十分春事
都成夢半百年華只謔嗟詩酒縱憑知己誚寸
情渾好著誰誇考功宅畔潮通海便欲乘桴莫
問家

次韻答公權見貽之句

一日風塵瀕洞時百年身世轉堪悲豈無懷抱
同千古誰共登臨望捌垂為客謾投鸚鵡賦傷
春多在杜鵑詩窮途履轍遲徊久莫道為輪不

用規

次韵海上還

問君何處覓玄洲還作東方海上遊
瑤艸只從方士寄蟠桃那許世人謀
塵飛恍惚千年劫槎轉虛寄八月秋
但怪晨光多變見元龍不是蜃
為樓

呂彥貞見寄江舍次韵奉答二首

失笑自甘成野老放歌猶復哀
王孫十年兵阻

西蜀道九月霜雨東吳門缺裂布袍懶
適市蕭條夢舍還依村何緣處
無酒賣荷君數來空與論

白石先生多逸情寄來好句如彌明
空江木落秋正下流水行雲日自生
神人忽張洞庭樂老將復健
燕山兵雄深雅健何可得我一把詠身
如輕

次韵堅公秋懷

曾策羸駮笑獨騫秋風瑟縮楚南天好詩都拾
奚囊裏得句頻過佛寺前坐傲浮雲棲亂葉生
憎急管雜繁絃而今頭白心如水平惟有愁情到
極邊

用先叔祖韵壽鶴齊薩真人并序

近以兵避海上會鶴齊真人于練川語及舊
遊皆如夢寐因誦先叔祖太史文靖公詩乃
為真人九月一日生朝賦也今俱客于此復

逢此日而誦此詩感懷今昔三十年矣于是
堪不敢元述謹用韵以為壽云

練海秋潮若卷濤遼天得與鶴同遊人間不老
三花樹天上初分五色桃甲子每書聊自記姓
名千載復誰逃等閒談笑重陽近又向尊前一
牽鰲

薛毅夫

青城文思涌波濤子復長吟海上邀瞻望白雲

歌伐木記從瑤水得餘桃百年風雅誰能繼萬
里烟霞從此逃不是菊花知節序一盃負却蟹
雙螯

答陳孟章省元一

文章得失寸心知千載寥寥竟屬誰天象昭回
雲漢表人文宣朗古今宜鳳鳴阿閣雄諸籟蟬
響悲風引一絲却子有才良得意閑睢麟筆玩
多時

陳憲

幾年白髮已成堆千里青雲未有媒高論讞顏
思變雅遠懷斑馬識奇才六朝音響都成選兩
漢文章孰可回想是寸心知得失相逢為我洗
煩埃

悼堅上人

幾度扁舟過練川上人邀我佛樓前聽潮倚柱
秋聯句待月鈎簾夜說禪身世等空前日夢影

堂虛設故時筵如何却說心頭事再結三生石
上緣 此師之遺語故用為落句

讀饒介之遺徐允中書并序

余之善張旭懷素書妙一時人往來爭得之
以為奇玩其得意超邁之筆而徐所蓄尤多
故乃裝輯成卷眎若名言世瑤然皆務誇張
矜滿之辭略无一語能及國及民如云當年
僕過吳陵時知有諸豪傑今日乃得刎頸交

何也以氣相感爾又云允中人傑肯與僕領
此夙志矣噫觀此夫得不為果亡必敗之讖
耶今此卷散落民間使人一展覽便殊不滿
揮毫料入狂顛歲月猶題破國前郭愧不言
才漫爾田單失計事徒然穴中虎子終探物夢
裏麟兒底說賢終為有生種禍讖絕憐無處託
樓然

施架閣池上夜飲聯句


潘公穎明
發婢婦

槽頭醪醕倒不盡地上梅花開欲齊今夕好懷
良足慰穀百年高興若為題銀燈炫席珊瑚爛
敏彩筆聯詩錦繡迷細雨作花簷際落堪清歌
如縷拍中低渾忘司馬青衫濕穀似聽宮鶯綠
樹啼公子金猊燒篤禱敏美人犀筋勸跑蹄池
知北海能豪俊堪况有東方善滑稽腰細舞低
翻弱柳穀手纖盃重壓柔菱先判五夜同傾倒
敏未信三邊尚鼓鞞倏忽年華梁旦莫堪風流

人物晉東西江湖空濶鴻偏到穀梧竹高低鳳
獨棲乘興放舡來笠澤敏散愁投轄憶潯溪襟
期久矣交如漆堪笑噉顏然醉似泥潮漲空灘
移舴艋穀雨晴何處看鳧鷖會須發達據憂憤
敏慎勿登臨動悽慘失喜今宵是何夕酒闌起
舞忽聞鷄堪

虞山人詩卷五終

國家圖書館, NATIONAL CENTRAL LIBRARY, TAIWAN, R.O.C.



虞山人詩卷六

五言絕句

海岸圖

海岸水西流看山正倚樓
迢々烟九點笑指是齊州

滄波

滄波渺碧落蘆葉生
秋風一船不結纜
長嘯月明中



舊箏

鴈逐暮雲斷蟬驚秋夢寒蕭條閑塞曲不復和
愁彈

詠異石并序

吳人朱叔重善繪畫嘗遊石偃山遇方士授
異石玉色清潤如鑑如屏雲白山青趣若天
造要余咏之
觀山有奇術縮此天地根白雲飛不去一片玉

渾淪

寓目

遠水天復遙白鳥獨長往當從息機人發此天
際想

題醉太白

汗漫龍魚窟消尾虎豹閑死生渾托醉何獨夜
即還

題朱叔仲畫青山白雲橫軸

山青綠樹深白雲更多少憶爾越中行揚帆看
春曉

題列子乘風便面

昔者列禦冠冷然御其風方諸徹秋水乃今見
猶龍

題青山白雲

幽人卧春曉四山雲氣迷閉門花任落叫殺護
林雞

人家青樹合僧寺白雲封誰共詩翁坐夕陽聽
曉鐘

宵：一帶山沉，萬株樹着我靜者心獨得看
雲趣

我愛山中住山中秋復春白雲長菴戶來往斷
無人

題倪元鎮畫竹樹圖

个、竹弄雨了、樹撐煙還教來拜石痴絕伴

清妍

題顧定之出牆竹

莫笑虎頭痴偏憐鳳尾垂
粉牆遮不斷翠雨濕
多時

題陸季弘碧桃花

別是一枝春飄然似玉人
東風仍滿面絕不染
紅塵

題章橫塘護花

宜男爛著花不似王孫艸
莫引蝶空忙翻令惜
春光

題舍弟坊畫竹

吾弟頗灑落鳳稍兼
寫秋看渠矜老可憐我憶
陵州

戲為日本僧立恒中題梅花

飛去三千里開過數百春
此言誰解得還汝日
東人

為立上人題雲山欲雨手卷

白雲不作雨作雨但霏微長菴青山路唯教翠
濕衣

題陳慎獨畫

菴竹在坡陀蒹葭隔洲渚咫尺雨中秋披圖謾
愁余

美人撲蝶圖

雙蝶忽飛來撲之意偏好繡扇着春堤恐污宜

男

料扇上有萱
故云宜男

六言絕句

吳江

二高祠前流水五湖烟外孤蓬楓落吳江夜冷
高情都付漁翁

靈岩寺

響簾迴廊何處來尋陳迹都非日莫疎鍾孤起
白雲岩下僧歸

姑胥山

不見舊時臺榭空聞千古風流滿地山花落去
几番麋鹿來游

橫塘

越來溪頭暮雨蘇姑城外橫塘黃帽就船炊飯
綠鬢隔岸鳴榔

盤門

南雨廟前霜栢闔廬城下塞潮風雨扁舟經過

傷心無復吹簫

石湖舊苑

望湖亭子凄然不似當年風景畫船空載梅花
誰唱暗香疎影

題畫小景

綠水金塘馬健青山紅樹鳥啼策策吟鞭遠指
濛濛花雨新晴

題岩壑孤舟圖

我愛投棲岩壑愛此松蘿絕塵欲喚滄洲艇子
不知黃襖何人

題朱澤民書釣圖

汎輕舸兮釣諸歌滄浪兮目取不知所讀何書
竟謂忘於漁水

題顧安定之所畫二篠

匪闡翬之老稚伊翩翩之羽翹戾九天而披拂
遲一氣之扶搖

虞山人詩卷六終



國家圖書館, NATIONAL CENTRAL LIBRARY, TAIWAN, R.O.C.

序
凡
言
考

虞山人詩卷七

七言絕句

西蜀二首

西蜀青山青似眉連雲芳樹杜鵑飛壚頭酒熟
櫻桃過萬里橋西人未歸

春風畫舸錦江上細雨朱櫻紅樹中買得白魚
贖活湮文人相對倒郎筒

玉壘詞

玉壘峯頭月落西碧鷄祠下杜鵑啼江南倦客
多歸思憶踏扁舟泛五溪

三峽詞

雪浪西來長滾滾雲濤東去自茫茫寧知萬壘
關山恨比侶難牽百丈長

憶錦官

錦官城外山如畫春雨飛來紅滿川人過舊壚
還買酒魚來丙穴肯論錢

宮詞

想鳳傳鍼刺繡紋沉沉別殿鎖重門棠梨枝上
三更月雪色冰輪不見痕

有所思

美人不來眇何許路傍芳艸綠淒淒桃花春雨
浪半淺恨隔三千弱水西

漫興四首

除夜

出門無路遠天衢漫擁寒衾吐、書歲月又隨
更漏盡半生孤憤不能除

元日

帝所新正盡早朝萬方死乃寸心勞野人空老
江湖表夢繞鈞天日已高

人日

料堂人日倚孤筇日出陰銷見遠峰但願八方
春盎、盡無爭閑即為農

元日

鼇山月在滄江冷蛟室潮生貝闕寒閑却錦囊
雙鳳瑤玉人何許夜謾、

春日漫興六首

甫里祠前春雨晴闔閭浦口海潮生白鷗聚處
蒲芽短驚起輕漿鼓盪鳴

幾陣飛花高樸樹一聲啼鳥正當門閒拈綵筆
無題處寫得江南過雨痕

夕陽半落烏衣巷春樹都迷綠野堂無事山樵
雖不出也愁風雨暗高崗

去年一得河邊信萬戶千門掩冀泥以七之家

門不覺風烟慘江上也無豚柵與鷄栖

桑條齊綠柳絲々久見人家卜養蚕到處落花

隨雨後半分春色在江南

西塞山邊吹戰塵南陽原上艸如茵誰將宋玉

傷春句說向登臨感慨人

早春迷懷

河邊殘雪未全消怪底春來暖若遙好待東風

前芳艸馬蹄踏遍亦欄橋

花下把酒

一百五日正欲莫三月盡時猶是春把酒對花

須大醉人間誰主復誰賓

春興二首

詹尹如何為卜休閑身猶住海邊樓一春風雨

知多少花落鶯啼并作愁
原頭芳艸綠如茵寒食江南已過春
飛絮漫天兼統路落花如海倍愁人

吳下口占

吳王城外水連村梅雨新晴海霧昏
誰復吹簫市朝變夕陽芳艸斷人魂

越來溪

每踏扁舟過越來青山何處復登臺
野花荆棘

多迷恨空逐寒沙白鳥回

過王季野妻施夫人墓

寶玦珠奩土一坏東風原上使人愁
落花寂；迷芳艸日莫王孫何處遊

昇公蘭若

莫笑長來過虎溪逃禪吃酒醉如泥
桃花落處看春色柳陰中聽鳥啼

登天池山留法在公一笑

行窮水色與天光
覓得靈源到上方
躡斷翠崖
雲漢上坐捫參井
濯滄浪

石屋為懷菴上人賦

石屋無多斧鑿痕
指來元是一渾淪
借獅狔座
盤礴羸開出
惟摩不二門

題渾淪卷

龍虎山中看月高
靜無天籟絕
纖毫渾淪消息
誰知得夜半
吹笙醉碧桃

寄湖州潘公穎

看花長想曲江春
燕子東風聚散頻
居向水晶
宮裡住
題詩還近玉堂人

寄王仲明

西湖何處好題詩
落日西冷曲竹枝
團扇晚停
眉黛斂水寒
休弄玉參差

送達明善還嘉興

鱸魚膾所樽
無醪阿濫堆
成笛政愁昨夜涼風

吹得苦莫傳離思入南州

贈筆生溫子敬

銛鋒淬鏑未由降夢底生花愧老江要見太平
無事日殺青書裏作長杠

贈墨客李慶源

千金買賦不買墨、重萬金識者稀卿操絕藝
待良史著弊江南舊布衣

遣陳生

流螢羅扇夜徘徊望斷銀河鵲未來何處海門

潮送月幾年空照越王臺

生家錢塘湧金門

示陳起

故人遺我作仙游世上應無百尺樓一見鳳毛
翬五彩尚思談笑說吳鉤

讀何水部詩集

剪燭聯詩孰似君多情無奈沈休文陽州春月
應無夜祗為梅花瘦幾分

留客聽琴

樓中伯牙興不淺座上中郎心欲歸
曉蝶幾番和夢去秋鴻逐段拍波飛

遺陳童子

湧金門外秋如海笑拍青天白玉盤
此地別來添二歲姮娥還怯夜潮寒
答鄭長卿以書見貽
滄江梅子雨絲、谷口書來念遠期
愛道不官

耕隱去但悲風木起哀思

為弘行者畫萱圖

弘兄身在空華室夢幻無邊苦憶親
要認東風真面目宜教重見北堂春
為規待者畫天台圖

風雨祇園夜寂寥對僧燃燭畫山椒
眼明認得天台路有箇行人到石橋

題十六應真圖

人見自有神通走，都行怖畏空不是脚跟。
能蹋寶如何到得大江東。

題淵明賦詩圖

歸來不負酒并琴，幽鳥南山伴好吟。
一自卷中書甲子，釣璜千古不同心。

題諸葛武侯牘廬像

天挺神明不世姿，當時出處係安危。
三分事勢勞籌算，未出隆中也自知。

題秋山樓觀圖

萬朵芙蓉在屋頭，白雲堆裏見層樓。
題詩忽憶雲門寺，幾度尋僧八月遊。

題宣和馬圖

龍姿鳳質滿中原，盡蹴秋風度海門。
一匹不來踐霜雪，沙場青牝自黃昏。

題施雅山所藏宋周漢國端孝大長公主
所題桂花便面手卷後二首并序

宋端孝公主理宗女也其所自題桂花詩便
面以碧紗為襯所織折桂澹然與冷月輝映
自是宮製絕俗可知而東廬王桱叟名琦字
德玉所識有云在武林時與故舊劉公仲昂
邂逅茶話因及楊仲齋附馬事故出此見遺
劉鹿王孫乃是我家婦之母之筆也藏子篋
笥凡三十六年而外孫施宜之其有先兄弟
並舉進士者有双桂堂尚在堂扁政與扇合

誠可以再為其後來者識故裝褫為卷筆其
顛末并制桂香詞于後以予焉且曰貴主題
此扇時猶未出閣天上清芬世間何有則知
前輩寶重之如此至隆山牟先生賦之有滿
身風露不知寒之句尤極淒慘使人一讀無
限感慨今雅山處士亦既老矣所室外家遺
物又幾五十年自謂雖獲夜光每棄弗顧而
獨護此卷如新不忍去手時出以示人諷

詠不輟其風韻又不可知也間屬堪賦之惟
前代閨門舊物固是罕得然相傳之久殆百
有餘年而不出兩家當時遺老又能詳記其
事使更千百載足矣起人之興懷于无窮若
雅山之寶比其意亦有若乎于是追次其韻
遂并反而歸之宜之為雅山處士字云

一一方諸鏡樣圓金壺霑墨豈無端萬年枝上
天香盡遺恨青天碧海寒

誰復風流聞鳳團天人丰骨想毫端楚吟翻泣
銅仙淚共灑秋風玉井寒

題松雪畫四首

江上晴天錦繡紋丹厓紅樹思紛紜毫端染得
秋无際猶是蒼梧幾片雲

王孫今代玉堂仙自畫苕溪似剡川如此青山
紅樹底那无十畝種瓜田

王簫吹斷幾黄昏南國風流意莫論帝子不悲

秋色晚墨痕何以著啼痕
竹色蕭々木葉齊石邊芳艸迥淒迷斷猿月落
愁人去正在黃陵廟裏啼

題趙松雪出浴人馬圖

澡浴霜寒帶月嘶皎如飛雪度春泥
圍人不可輕調御花萼樓前曉仗齊

題趙仲穆人馬圖

驥子如龍勢欲飛圍人猶著舊宮衣
霜啼殘雪

花无數可是長安道上歸

題陳慎獨畫竹樹圖

不見高年慎獨翁謾憑圖畫看幽茸
石邊竹樹生寒碧好在蕭條破墨中

虞山人詩卷七終

國家圖書館, NATIONAL CENTRAL LIBRARY, TAIWAN, R.O.C.



虞山人詩卷八

七言絕句

題倪元鎮竹樹圖

侵晨好在不梳頭
寫此疎篁古木秋
清氣逼人當不得
歲寒誰與說風流

題衛明鉉畫隱居圖

每因脫俗居林下
更復題詩向畫中
啼鳥落花空歲月
閑雲流水謾東西

題徐士元畫釣隱圖

雲去鳥來還遶意海枯石爛不移心寥々千古
憑誰論獨見先生澤畔吟

題王鳴吉吳江送別圖

長向空江難別離含毫猶賦畫中詩一聲鴈叫
丹楓落思逐東流轉舫時

題吳江春曉圖贈張伯奇南歸

吳淞江上春初曉烟水微茫帶淺蕪政是玄真

歸去日釣船從此落鴛湖

題竹樹圖送陳君玉歸呂城

烟折風篁亂墨痕依稀須得埧南村歸耕布穀
應啼晚好在春陰護子孫

題天台王思齊雪溪詩卷

憶昔山陰訪戴船滿溪晴雪思茫然重遊想得
前時夢春水桃花別有天

題趙魏公楷養馬圖

久忘爬刷向河汾抵樹摩身動晚雲千載有誰
憐駿骨展圖空憶李將軍

題柯博士竹二首

后主錯刀死復見長公珠玉竟荒涼風雲盡捲
簞當谷若箇如君葉葉長
饒守風流清且貧珊瑚都入禁垣春奎章博士
承恩日一日臨池寫得真

題黃道人畫

垢面野人頭似雪畫山應復畫衡茅幾株五老
峯前樹箇箇如雲可結巢

為李可道題衛明鉉畫樓臺圖

海上相逢憶舊遊更開圖畫說丹丘玉簫吹老
人間世獨倚烟霞第一樓

題蘇小真

錢塘江上月如眉楊柳新生二月時
窺得當年美人面東風一曲麗春詞

為明仲公子題木筆仕女圖

木筆花開春已深
十分閨思向誰吟
暖風吹破遊絲夢
故折瓊芳比素心

題夾竹桃花畫眉

翠袖籠顰怯曉寒
欲妍花貌苦無端
黛蛾拂得春山遠
不負飛鸞桂影圖

題李安忠猿鵲圖

啼猿靈鵲賦難工
峽月河星思未窮
誰向楚臺

愁寂寞想趨岩殿却如風

題江皋會飲圖

日月總消杯杓裏
江山都落釣船中
何人相對若不飲
應是行吟澤畔翁

為王允同題家山荆溪圖

好山都在太湖西
滿路風烟棘刺迷
華屋燕飛今在否
市橋官柳不勝題

題陳慎獨所畫寒林圖

為嗟玉樹埋黃土見畫題詩即斷魂健筆清真
如宿昔滿林烟月對黃昏

題盧益脩水仙

盧郎吹笛向漚波夢裏曾瞻帝子何一自美人
遺玉珮至今南浦月明多

題陸季弘畫碧桃花

玄都觀裏花如霧曾弄參差引鳳還幾度春風
開劫外不隨流水到人間

題陸季弘畫竹二首

少年文賦已曾傳畫竹風流老畫妍烟雨一竿
生筆底珠璣万个落簷前
脩、雙玉倚空清翠羽鸞翎裊不停好似皇英
愁日莫九疑如黛隔秋屏

題堅石林上人松下小像

一得金剛體自然芙蓉万朵立青天如何恰坐
雙松下明月寒潭又說禪

題教上人所藏石壁高僧圖

了無寒暑與昏朝
獨坐松根看閬蓼
万丈懸崖顛倒立
法身元等劫塵消

為堅上人題石林圖

海邊雲氣接鴻濛
萬石林中見玉虹
八月潮高秋滿樹
看山翰與坐禪翁

為道公題夏山圖

紫翠峯巒雲霧裏
瓊瑤樓觀石林端
何人曳杖

岩頭去不畏松風
瀑沫寒

題盛子昭畫會琴高士圖

二子彈琴固有期
空山石上坐移時
至音不著人間聽
只許松風澗水知

題孟仲良畫雪中才子圖

席帽羸驂抵朔風
雪中驅策灞橋東
幾時却向長安道
到處題詩蹋鞦韆
紅為范克齋題山水圖

魏公枝葉學長年曾逐仙人上九天幾見蓬萊
水清淺歸來畫裏看山川

題倪雲林為薛鶴齋真人所畫竹

雲林寫竹如琅玕我昔愛之長相看鳳凰去矣
秋影獨白鶴歸來遼海寒

題諼花園

一自北堂風雨深諼花萎矣思難任而今畫裏
愁題句重感春暉寸牘心

題倪雲林畫

天末雲峯生掩冉石間流澗絡寒清因君寫得
三株樹忽起孤雲野鶴情

題王生畫幀

薄命長乘海上桴展圖驚見好林廬明年若遂
歸耕計牛角膠觔管挂書

題盛子昭臨吳興公溪山釣圖

著我春江聽雨眠漚波亭下水如天當時度得

參差玉吹起春風滿釣船

為明仲題倪雲林畫二首

東遊久不見兜寬落日秋風海樹寒一箇草堂
曾想息王猷子我憶盤桓

參差海樹珊瑚立窈窕風篁翡翠分尚想君家
清悶閣墨池零亂搨鵝羣

題江山臺觀圖

何處瓊瑤歌舞臺重々金碧向江開杖藜漁艇

我偏愛誰在崎嶇浩蕩回

題衛明鉉所畫羸女吹簫圖

吹動簫聲万籟希飄々風露濕仙衣彩雲飛斷
秦樓月却跨青天五鳳歸

題明鉉所畫王子晉吹笙圖

巾袂翩翩鶴背仙玉笙吹滿沔琴天碧桃花上
春風度應是人間五百年

題佛圖澄應趙故實手卷

嘯、說偈水併空惚、山河夢寐中莫怪現前
持故畏水西千載報春風

王明仲遊海雲蘭若折錦帶花貯瓶中索

賦絕句

舉手拈來笑似人海雲飛度一枝春臨風看舞
雙啣鳳安得徐生便寫真

次韻賦王明仲分菊

就地分花入丸盆南風吹雨晝昏、幾時簾幕

秋香滿看引飛來楚蝶魂

次韻奉答韓景中嫺表戍淮見寄二首

離愁迢遞每相干勁料支風也自寒切莫凭高
嘆搖落舉頭見日是長安

世路羊腸不可知強將情緒託新詩素絲黃黑
岐南北政是長悲痛哭時

倚樓次韻

江樓獨坐送斜暉水盡天南鳥獨飛風信晚潮

吹酒醒頸无炎汗濕練衣

次韵戲答堅公木樨

青冥昨夜御天風采得金丹下月中
普散十方香世界莫教鼻觀塞雙筒

賦小瓶紅白梅花四首

冰肌自傲羅浮雪暈臉偏酣太液春
共立東風妬瓊珮珊瑚倫玉較精神

從將性質比嫦娥看此霞裳阿姊何
允戀詎能

消酒暈媚人都道得春多

水風烟月可同吟骨格纔殊冷不禁
著眼固憐陽艷愁到頭誰得歲寒心

燒得丹成似日紅別來人世領春風
誰知非色非空界鼻管掀天便不同

坐間有舉陳攷亭詩嘗及此說故轉一語

題普大雲梅花水仙三首

玉質固難禁寂寞

上人宋宗室子自有此語

香魂端可繼風

流緇塵自滿春風面誰道王孫托遠遊

羅浮夢裏玉人遙
湘水春深泣翠綃
喻空王
無上法
諸天隨喜作香飄

阿師能畫極清真
自是金輝玉潤人
贏得蛟龍

雙浦上師示寂處五雲飛去處一作十分春

題日本僧所畫青山白雲

積水東來沂極天
杯浮三萬覓單傳
等閒三昧都遊戲
未識齊州九點烟

題忻悅道所畫山招隱圖并序

忻林杭人負才氣
由江浙鄉貢北上京師
既校藝春官
俄病卒
士多惜之
其性雅好畫山川
樹石云

妙年文采有斯人
顏得雲山慕隱淪
天上玉樓成底夢
都門重哭李元賓

題陳昌言水月齋梅影圖

水月光中作淨觀
墨痕何事寓團圓
要知無色無香界
不著冰霜襲袂寒

虞山人詩卷八
牧心齋題壁示叔界

牧心齋裏坐來深
萬古原思直至今
化、生、
無別事但教馴狎
莫虧侵

題劉商觀奕圖

平原亦有羅浮事
况爾樵逢奕局仙
劉畫李臨
茅彥勒桃花源記
託陶傳

題和靜處士觀梅圖

咸平天地物皆春
容得先生賦隱淪
一夜湖山

風月白梅花千古亦傳神

虞山人詩卷八終